

## Universitätsbibliothek Paderborn

### **Antidota Evangelica Contra Horvm Temporvm Hæreses**

In Qvibvs Quatuor Euangeliorum illi textus explicantur, quibus vel hæretici  
hodie (maximè Caluinus & Beza) ad sua dogmata propugnanda vti solent,  
vel ad hæreticorum dogmata impugnanda Catholici vti possunt

Antidotorvm Evangelicorvm D. Thomæ Stapletoni, S. Theol. Doctoris, & in  
Academica Louaniensi S. Script. Professoris Regij, Pars Altera - In  
Sacrosanctum Euangeliū secundūm Ioannem

**Stapleton, Thomas**

**Lvgdvni, 1595**

5. Neque enim fratres eius credebant in eum.

**urn:nbn:de:hbz:466:1-39480**

## IN IOANNIS CAP. VII.

5. Neque enim fratres eius credebant in eum.

B. Virgi-  
ni reueren-  
tia singu-  
laris defen-  
ditur.

**A**RRIPIAT hoc loco occasionem Caluinus Catholice Ecclesia erga B. Virginem singularem reverentiam acerbè taxandi. Hinc (inquit) colligimus quām nihil sit carnalis propinquitas. Perpetuum enim infamia notam Spiritus inurit Christi cognatis, quidam operum testimonii conuicti, ne tum quidem credebant. Quā magis ridicula est Papistarum superstitione, qui in virgine Maria posthabitibus omnibus aliis, solum sanguinis honorem efferrūt, quā non reprehensa ab ipso Christo fuerit mulier, quā ex media turba clamabat, Beatus uterus qui te gestauit, & ubera qua te laetarunt. Respondit enim Christus: Quin potius beati qui audiunt verbum Dei. Hęc ille in hunc locum. Est ergo hoc Caluinī argumentum; quia cognati Christi secundum carnem increduli erant, ridiculos eos esse qui in Matre Christi solum sanguinis honorem efferrunt. Se i non videt cæcus haereticus, vbi plures causæ honoris deferendi concurrunt, illi maiorem honorem meritò deferrī: eāmque ob causam Beataissimæ Virgini Mariæ, quā non solum credit Angelus Deo misso, non solum conseruabat & conferebat in corde suo omnia quā circa Christum parvulum gerabantur, non solum de toto mysterio redēptionis nostræ diuinissime prophetauit Christo needum nato, non solum Crucis Christi fugientibus Apostolis magna animi constantia ac singulari fide astitit, nou solum in die Pentecostes Spiritum Sanctum accepit, (quā sanè omnia pietatis & fidei in Deum præclarissima testimonia, cum aliis, vel Apostolis, vel Sanctis, illi eiā aut esse poterant communia,) sed præter hęc omnia, ipsa Christi imō filij Dei Mater fuerit, filium Dei incarnatum in utero gestauerit, aluerit, & omne in eum matri officium exercuerit; propter tot causas in illa sola concurrentes, maximo quodam & singulari supra reliquos Sanctos omnes honore à nobis Catholicis optimo iure affici. Quid: an serio iudicant Caluinistæ propter solum sanguinis honorem nullam Beatissimæ Virgini reverentiam debet? An Caluinus puer Christi digneus. Isto maior & melior videri volet? At dicit Scriptura de Iesu Redemptore iam duodenni, & de parentibus eius: Ipse erat subditus illis. An in hac subiectione ipsum sanguinem matrem Christus non honorauit? Imō putatitum illum suum patrem Ioseph, propter paterni sanguinis imaginem tantum illa

Solum san-  
guinis ho-  
nor in B.  
Virg. reue-  
rentia di-  
gnus.  
Luc. 2.

illa quoque subiectione nonne honorauit? Quod ergo Christus ipse in sua Matre honorauit, quis tandem Christianus honore dignum esse negabit? An non hoc ipsum sancta illa mulier Elizabeth, & Spiritu Sancto plena, singulariter in beata Virgine venerata est quum diceret, *Benedicta tu inter mulieres, & benedictus fructus ventris tui?* id est, ideo benedicta, quia tantam prolem habitura es? Nam & Angelus quum hanc B. Virginem eodem titulo exornasset, & *inter mulieres benedictam prædicasset*, illaque, pro sua modestia & humilitate, hac audita salutatione non inflata, sed turbata esset, eius salutationis rationem reddens Angelus subiunxit. *Ne timas Maria: inuenisti enim gratiam apud Deum.* Et quam gratiam tandem, ut propter illam benedicta prædicetur? Sequitur. *Ecce concipies in utero, & paries filium, & vocabis nomen eius Iesum. Hic erit magnus, & filius Altissimi vocabitur, &c.* Ecce ideo ab Angelo posteaq; à S. Elizabetha, Angeli verba ex afflato diuino repetente, benedicta nuncupatur & prædictatur, quia talem ac tam benedictum fructum paritura erat. Rursum an non hoc ipsum eadem Elizabetha præcipuo affectu venerabatur quum diceret, *Vnde hoc mihi, ut Mater Domini mei veniat ad me?* Non dicit, *Vnde hoc mihi, ut quæ gratia plena est, quæ Angelo creditur, in quam Spiritus Sanctus superuenit, & virtus altissimi obumbravit, veniat ad me?* Quæ tamen omnia verè & piè dicere poterat. Sed hæc omnia tacens, & quod in ea summo honore dignum erat attinere volens, dixit: *Vnde hoc mihi ut Mater Domini mei veniat ad me?* Non solum, ipsum in Matre Christi sanguinem veneratur, sed illud unum præ cæteris omnibus veneratione digoum iudicat. Age enim. Mater Domini nostri est. Quis igitur huius Domini seruus, eam, ut Domini sui Matrem, hoc ipso quod Mater Domini sui est, præcipuo quodam & singulari honore afficiendam esse, dubitare poterit? An quisquam subditus est, qui Regis sui matrem, hoc ipso quod mater est, singulari aliquo honore prosequi recusabit? Quid? An Matrem Domini esse secundum carnem, res ipsa per se summa veneratione digna non est? Quum illud canticum diuinissimum B. Virgo pronunciaret, *Magnificat anima mea Dominum, & exultauit spiritus meus in Deo salutari meo, quia respexit humilitatem ancille sue,* quod aliud beneficium ipsi in particulari à diuina bonitate impensum prædicat, quād quod filij Dei se Matrem esse, ut Elizabetha professa est, certerer? Quando adiecit, *Ecte enim ex hoc beatam me dicent*

*Beata, omnes generationes, cur ex hoc, cur ab eo tempore, nisi propter id quod sequitur? Quia fecit mihi magna qui potens est & sanctum nomen eius? Et quae illa magna erant quae fecit illi potens Deus, quam quod, iuxta Angeli verbum, filium Dei paritura erat? Hæc sunt magna quæ fecit huic Virgini Mari Dei, in hoc respexit humilitatem huius virginis. Ex eodem tempore beata ab omnibus generationibus praedicatur, quia Mater Domini omnium est. Hanc sibi factam ineffabilem gratiam, exultans in Deo salutari suo, his verbis praedicavit. Cætera quæ in hoc hymno sequuntur, ad totius humani generis beneficium ac redemptionem pertinent. Sed in primis illis versiculis, quæ illi magna fecit Deus, & quomodo ipsius humilitatem respexit, & cur ipsa beata praedicanda esset, quia videlicet Mater filij Dei futura erat, aut iam erat potius, cum ingenti spiritus exultatione depraedicat. Quid ergo tanta exultatione & gratiarum actione dignum punita haec virgo iudicavit, & Spiritus Sancti in Scriptura dicitur reuelata contestatum relinquere voluit, videlicet quod Mater Domini omnium esset, hoc ipsum quoque nos cum summa animi exultatione non praedicabimus? De hoc ideo nos Deum nostrum non magnificabimus? Ex hoc ipso non beatam esse hanc virginem non profitebimur? Ipsa nos virgo Mater, ipsum Euangeliū, ipse Spiritus Dei, si secus fiamus, summæ nos & ingratitudinis & impietatis arguet.*

*Sed unus Caluinus, homo impius & ingratus, eos qui hunc solum sanguinis honorem in B. Virginē Christi Matrem efferrunt, ridicula superstitione laborare iudicat. Dico solum sanguinis honorem, quem solum puer Iesus in illa venerabatur, quem solum sancta mulier Elizabetha praedicabat, quem solum ipsamet B. Virgo diuino Spiritu excita solebat cantico celebrabat. Solum, inquam; non quasi aliud nihil in hac B. Virginē aut honorandum censemus, aut non honoramus, sed solum, quia seorsim & per se hoc unum consideratum, præcipuo quodam honore dignum esse assertimus. Addit quidem Caluinus, posthabitum omnibus aliis. Sed illa additione non nisi ad calumiam inseritur. Nos enim Catholicos quum B. Virginem Christi Matrem præcipuo quodam honore prosequimur, ipsum quidem in ea sanguinis honorem conferimus, & hoc ipsum, quod Mater Domini nostri fuit, magnopere honoramus; non tamen posthabitum omnibus aliis non contemptis aut neglectis aliis in ea virtutibus; virginitate perpetua & illibata, fide fortissima, humilitate & obedi-*

*Caluini  
putida ca-  
lumnia.*

dientia, charitate, totaque vitae puritate illa virgine digna,  
qua plenagratia ab Angelo salutari meruit: Non, inquam,  
istis aut neglectis aut posthabitatis, sed una cum istis, ipsum  
in ea sanguinis honorem efferimus: quem adeo non effert  
Calvinus cum suis, ut cum efferri aut praedicati non debe-  
te, ex aliis Euangelij verbis probare contendat. Reprehensa  
(inquit) fuit a Christo mulier, qua ex media turba clamabat,  
Beatus venter qui te portauit. Esto: fuerit a Christo repre-  
hensa qua sic clamabat. An vero illa reprehensionis causa  
fuit, quod Matrem Christi quasi Matrem Domini sui bea-  
tam praedicauit, sicuti nos Catholici in B. Virgine sanguinis  
honorem efferimus, quia Mater Domini nostri, Mater Re-  
demptoris mundi, Mater filij Dei fuit? Nihil minus. Cer-  
tum est, illam mulierem, si reprehensa fuit, ideo reprehen-  
sam fuisse, vel quia vulgari mulieum more, audita Christi  
sapientia, felicem illam Matrem dixerit, qua tantae sapientiae  
filium genuerit, nihil amplius de eo vel de Matre eius cogi-  
tans quam quae de viro aliquo sapiente, qui parentum suo-  
rum honor sit, (honor quippe matris filius sapiens) vulgus  
hominum cogitare solet, vel quia tempore & loco non suo  
in huiusmodi verba prorupit, quum Christo tunc apud po-  
pulum concionante, nec Matris suae nec ipsius laudibi-  
x tollendi, sed doctrinæ cœlestis, quam concionabatur, au-  
dienda, operibusque exequendæ tempus esset. Nam & sic Matth. 12.  
quum alias eo concionante diceretur, Ecce mater tua & fra-  
tres tui te foris expectant, respondit. Quia est mater mea, &  
qui fratres mei, nisi qui voluntatem Patris meis faciunt: ubi  
non negauit matrem aut fratres suos id esse quod erant, sed  
doctrinam suam, cui tunc instabat, & obedientiam manda-  
torum Dei, suis auditoribus commendare voluit. Atqui Ca-  
tholici Christiani quum haec verbatam in Christi quam in  
Matris suae laudem recitant, decantant, praedicant, Beatus  
venter qui te portauit, &c. nec tam exiles cogitationes ha-  
bent, nec aliqua importunitate Christi negotia perturbant.  
Catholici haec verba imitantes dicunt: Beata viscera Mariae  
virginis, qua portauerunt eterni Patris Filium. Planè cum  
Angelo Gabriele, benedictam inter mulieres Mariam præ-  
dicant, quæ concepit in utero, & peperit filium, qui filius Altissimi  
vocaretur. Si enim Angelus antequam adhuc concipe-  
ret (ait enim, concepies, & paries) benedictam illam deprædi-  
cat propter partum futurum, quidni multo magis post tam

f 5

B. Virginæ  
cur Catho-  
lici prædi-  
cant.

benedictæ prolis partum , & propter illum iam de facto præstatum , benedictam illam prædicamus ? Rursum cum S. illa Elizabetha benedictam illam prædicamus propter benedictum fructum ventris sui . Quare tametsi hæc mulier clamans de turba quum concionabundus Christus populum doceret , à Christo reprehensa fuisset , nullo modo tamen ad Catholico- rum hodie pietatem illa reprehensio pertineret .

Iam vero nec à Christo reprehēsam hanc mulierem fuisse , aut aliquid superstitionē dixisse , (vt vult Caluinus) sed verba pietatis plena protulisse , multi doctissimi Patres eadem acclamatione vñi satis supérque docent . Simili quippe viri

*Serm. in Natiu. Domini.* Gregorius Nyssenus his verbis . O beatum uterum illum qui bonitatis præstantia ad se animi traxit bona . In reliquis enim omnibus vix animus purus Spiritus Sanctus præstantiam capiebat autem caro sit Spiritus receptaculum . Simili vtitur eadem

*In Serm. de laudib. Virginis.* Gregorius reperita Epiphanius . O uterum , impollutum habuum circulum cœlorum , qui Deum incomprehensum , in te verè comprehensum portasti ! O uterum cœlo amplorem , qui Deum non coarctasti ! O uterum habentem inextinguibile lumen

*Serm. 35. de Sanctis & 9. de tempore.* pties lucentis gratia ! Nec dissimili vtitur Augustinus . O virgo Dei genitrix gloria , ô sublimis puerpera , cuius visceribus auctor cœli terræq; committitur ! Et rursus . O fœmina superfluitas , qua & virum non cognouit , & virum in utero circundat ! Et quid miramur si hunc ipsum sanguinis honorem in hac beatissima Dei matre Patres venerantur & laudibus efficiunt , quando ipse Spiritus Sanctus in Scriptura diuinitus inspirata , rem eandem , quasi summa admiratione & veneratione dignam , aliquot autem seculis prædixit ? Clamat Ieremias

*Ierem. 31. Propheta.* Creauit Dominus nouum super terram . Fœmina circundabit virum . Hoc nouum & inauditum Dei opus , quod ipse sua infinita potentia creauit , quod fœmina circundaret virum , id est , prolem in utero haberet , quæ perfectus vir erit antequam nascatur , perfectus , inquam , non mole corporis sed vñione diuinitatis , quis negare poterit vt summa admiratione , ita pari veneratione dignum esse ? mulierem ergo , quæ in Euangeliō exclamauit , quum huius virtu cœlestem sapientiam audiret , Beatus venter qui te portauit , si ex filio verborum Christi , & non ex affectu humano illa verba dicit , nullo modo à Christo reprehensam fuisse existimat debet . Sanè ipsa Sibylla Tiburtina , quam de Christo , sicut ceteras Sibyllas , spiritu prophetico vaticinatas fuisse nullus dubitet

dubitat Christianus, eisdem ferè verbis Messiae Matrem  
deprædicat:

*O nimirum fælix calo dignissima Mater,*

*Quæ tantam sacro lactabit ab ubere prolem!*

Quæ sanè carmina cum aliarum Sibyllarum vaticiniis si quis nouatorum Sibyllina esse negauerit, agat cōtra Xystum Betuleium, eiusdem farinæ hominem, qui ea in lucem euulgauit. Sanè venerabilis Beda hæc verba apud Lucam expōnens, ita scribit. *Magna devotionis & fidei hæc mulier ostenditur, qua Scribis & Pharisæis Dominum tentantibus simul &* In Lucam lib. 4. cap. blasphemantibus, tanta etius incarnationem sinceritate cognoscit, tanta fiducia confitetur, ut & præsentium procerum calumniam & futurorum hereticorum confundat perfidiam. Sed & Tradit. 10. doctissimus Augustinus, quem imitari solet Beda, hanc mu- in Euang. lieri confessionem ita probat, ut non suo tantum, sed & alio- Ioan. tum piorum nomine eam ab illa factam fuisse affirmet.

Sed ad Caluinum redeamus, qui omnino reprehensam à Christo propter hæc verba mulierem fuisse affirmat. Quomodo hoc probat? Ait. *Respondit enim Christus: Quin potius beati qui audiunt verbum Dei.* Primum, impostor iste verbum Dei corrumpt. Non enim dixit Christus, *Quin potius, texrum corrumptum*, sed, *Quinimo:* quod etiam verbum in sua translatione apud Lucam retinuit Caluinus: & Beza vertit, *Imò verò: vbi nulla est comparatio aut auxesis (quasi μᾶλλον dicit Lucas scripsisset)* sed simplex adiectio, quam vox Græca μὲν οὐκ γέ manifestè insinuat. Vult cuim dicere Christus: Non solum beatus inventer, qui me portauit, sed & reuera beati illi sunt qui audiunt verbum Dei & custodiunt illud. Tu me matremque meam beatam prædicas. Sed hæc prædicatio huius temporis ac loci non est. Ego illos beatos prædico qui verbum Dei audiunt & custodiunt. Impius tamen Caluinus texum corruptens, pro *Quinimo legit, Quin potius, pro simplici assertione non præcedenti sermoni aduersatiua, aut quæ præcedentem corrigeret, sed alterius sermonis affirmatiua, ponit comparationem: quasi diceret Christus magis beatos aut magis honorandos esse qui custodiunt auditum Dei verbum quam vel ipse, vel mater eius.* Hac enim mulier non matrem tantum Christi, sed & ipsum Christum laudare voluit, imò magis Christum quam matrem, quia propter Christum laudat matrem: propter filium laudat uterum, laudat ubera. *Vnumquodque autem propter quid & illud magis.*

Non

*Verbi Dei custodia magis perficit, non magis honorabilem reddit.*

Non est quidem negandum, magis beatam, id est, in causa salutis adipiscendæ magis Deo gratam esse personam illam quam Dei verbum custodit, quam quam carnalem habet quamcumuis intimam cum Christo affinitatem, quia illa beatudo, essentialis quedam perfectio, & rectitudo, & iustitia ei ad summam beatitudinem conferens: intima autem cum Christo secundum carnem coniunctio res quidem summa est dignitatis & honoris, non autem summæ virtutis auctoritatis, aut quam ad salutem ex se conferat. Et hoc sensu v-

*In libro de S. Virgin. cap. 3.*

rissime Augustinus dixit, Beator Maria percipiendo filium Christi quam concipiendo carnem Christi. Imò quod adiuvet non veretur, Materna propinquitas nihil Maria proficiat, scilicet ad salutem & iustitiam coram Deo, nisi fælicius Christum corde quam carne gestasset. Sanè fælicius ad salutis perfectionem & ad essentialiæ perfectionem quod attinet, scilicet fælicius ad honoris & dignitatis questionem quod spectat. Ad dignitatem quippe & excellentiam incomparabilem Virginis hoc imprimis spectasse, quod Mater filij Dei fuit iam ex diuinis Scripturis perspicue demonstrauimus. Tamquam igitur in his Christi verbis aliqua correctio esset & comparatio, ut illud, *Quinimo significaret, quin potius; beati, id est, magis beati sunt, qui custodiunt Dei verbum;* tamen nec illa correctio altera matris Christi beatitudinem negaret, quod in utero Christum gestasset (non enim quia illud melius, quod pterea hoc non bonum est) nec illa comparatio dignitatem excellentiæ beatissimæ Virginis aliquid detraheret, sed alius generis beatitudinem (ut iam explicatum est) commenderet. Sanè in alia Scriptura ubi David amico suo Ionathane dicit, *Quinimo viuit Dominus, & viuit anima tua, quia constantum gradus ego morsq; diuidimur;* illud, *Quinimo, nihil in constantem ascensionem significat.* Quare Varanus Regius sanctæ peritissimus, illud, *Quinimo verit.* Et profecto. Ceterum utcunque se hæc res habeat, B. virginem Matiam ipso quod Christum in utero gestavit, & mater Domini nostri esset, summo honore ac veneratione singulari proscendam esse, summæque dignitatis & excellentiæ habendam esse, non solum ex Scripturis iam allegatis, sed præterea sapientissimorum Patrum elogiis manifestè constat, & alio in loco bono numero cōgessimus: quam idcirco hoc co non repetimus. Illud unum hoc loco annotabimus, festo visit. tissimam hanc Virginem ex eo quod mater Christi fuit, B. Virg. maximè ex causa maximo honore dignam prædicari,

*2. Reg.  
20. 3.*

*In Prompt.*

*Cathol. in*

*festo visit.*

*B. Virg.*

co non repetimus. Illud unum hoc loco annotabimus, festo visit. tissimam hanc Virginem ex eo quod mater Christi fuit, B. Virg. maximè ex causa maximo honore dignam prædicari,

ut talis mater esset, & tanto filio concipiendo ac pariendo idonea, maxima gratiarum vberitate donata, maxima totius vita puritate imbuta, & ad altissimum perfectionis gradum eucta fuerit: quum dubitari nequeat, Deum qui ad tam excellentem finem illam ordinauerat, media quoque suppeditasse quae ad talem finem vlo modo desiderari possent. Quare quum matrem Christi veneramur, & bearam esse prædicamus, quæ filium Dei in utero gestauit, illam cum vniuersa illa perfectione tantæ matti collata consideramus, & non ut vulgarem matrem quæ carne tantum gestarit, ad quod gestandum magis idonea non esset quam quævis alia mulier. Quibus ita explicatis, Caluini hoc loco cauillationes quam inanes ac fuitiles, addo etiam impiae fuerint, satis perspicuum euasit.

17. *Si quis voluerit voluntatem eius facere, cognoscet de doctrina, utrum ex Deo sit, an ego à meipso loquar.*

**H**æc Christi verba miro artificio intuerit & à vero ac genuino sensu longissimè lectorum abducit Caluinus. Quid sit voluntatem Dei facere, & hoc nihil aliud esse quam Dei mandata, quæque ille vult & iubet, opere præstare, contra alias & varias Caluini corruptelas ad alia S. Euangelij verba iam in hoc opere iterū atque iterum ostendimus. Hæc enim verba, facere voluntatem Dei Patris, nunquam in recto sensu accipere aut admittere voluit Caluinus: quando ei stetit semel sententia, voluntatē Dei (faciendo quæ ei placita erant) nullo modo facere; sed mandatorum Dei obseruatione desperata, in sola sua fide coquiescere. Sed hoc loco, quia facere voluntatem Dei Patris, ponitur à Christo ut medium & via ad ipsam fidem consequendam, vetus illa cantilena, quod huiusmodi verbis fides commendatur, locum habere non potuit. Hic enim dicit Christus. *Si quis voluerit voluntatem Dei facere, cognoscet de doctrina, utrum ex Deo sit, an ego à meipso loquar:* id est, fidem doctrinæ meæ adhibebit, tanquam diuinæ, & nō à me tanquam homine priuato, sine Dei ministrantis mādato, & sine Dei suggestoris spiritu adiuuentæ. Docet ergo Christus voluntatem & pium desiderium faciendæ voluntatis Dei, voluntatem, inquam, non otiosam, desiderium, fluctuantem; sed firmam, alacrem, & actiuam observationem

Suprà ad  
Matthæi  
cap. 5. &  
7. & 12.